

1533, 9 septembre. – Nantes

Donation par les religieuses du couvent Notre-Dame des Coëts de Nantes au profit des religieuses du couvent Notre-Dame de Nazareth de Vannes de rentes à lever à Redon.

AD56, 66 H 7

[En marge haute : « 9 septembre 1533 »]

/1/ Nous, les religieuses, prieuse et convent de Nostre-Damme des Coetz lès Nantes assemblees en nostre chappitre chappitran**s /2/** et chappitre faisans, pour cestes presentes la *campagne* sonnee, certiffions par ses presentes que les rentes et revenuz avcques¹ **/3/** leurs arrerages que avions acoustumé de prandre et recepvoir tant es faubours que à la ville de Redon, ou diocese **/4/** de Venres, à cause de seur Phelippe Le Bascle, jadis religieuse en cedit convent, le tout avons transporté, cédé *et donné*, **/5/** et de nouveau transportons, cedons *et donnons* à notz seures du convent de Nostre-Damme de Nazareth lés Venres, **/6/** sans rien reserver, ne de present, ne pour l'avenir ; et quictons par ses presentes toutes personnes de tout le temps passé **/7/** desdicts rentes et arreaiges, revenuz, pourveu qu'il ayent sattifaict audict convent de Nostre-Damme de Nazareth les **/8/** Venres ou à nostre tres reverend maistre et pere vicaire maistre Jehan Roch, docteur en sainte theologie, leur procureur **/9/** general *et* le nostre. Et le tout avions consentu *et* par ces presentes consentons pour tousjours, sans james aller **/10/** au contraire et aussi consentons que ledict convent de Nazareth ou nostredict reverend maistre et pere vicaire **/11/** puyssent appoincter, quereller, vendre, alier, eschanger, quicter lesdicts rentes, arreages *et* revenuz dessusdicts **/12/** pour tousjours *et* à perpetuité et donner quictances à qui bon leurs semblera et en faire du tout à leur bon plesir. **/13/** En tesmoign de ce avons cy apposé les seelz de nostre reverende mere prieuse avecques son signe manuel **/14/** et de nostre coirté. Faict et conclud en nostredict convent de Nostre-Damme des Coëtz ce mardi IX^{me} jour **/15/** du moys de septembre l'an mil cinq centz trante *et* trois. Seur Jehanne de Brye, prieuse.

¹ *Sic.* Mis pour « avecques ».